



O Volapükaf lens Valöpo !

Ko lied gretik mutob nunön olis dö dead, ün lifayel züldegbalid, pädana *Martin Billinger*, röletan Datuvala. Älödom in dom, kö J. M. Schleyer ilödom in zif Konstanz, sevabo: Schottenstrasse 37. Cifal obas jenöfo äspodom ko om ünü yels 1979 - 1982 medü pük latinik.

Datuval id esedom obe penedi sököl tefü redakapened at mula lätik :-

"Cedü ob, binol tu glumik tefü benosek Sperantapüka e tumödiko leloböl püki Interlingua. No sagol us kikodo digos studön Volapüki. Medü stud püka obsik: ninikoy degyelis Yuropa bü tumyel; lifoy sogedi, kel dramatikö nämikon e fibikon, daluvalavi (= microcosm) sogedas e menemas valik; reidoy vobotis literata smalik e nekösömikis, ab jönikis; logoy medis ad bumön e kobopladön vödis, kels yufons ad bumön e kobopladön tikodis.

Nosi sagol dö pük bevünetik jönik levönik e nudelik, Latin. Dü yeltums teldeg pük papükon in Yurop valik e dü yeltums lul in Nulavol. Adelo pük latinik pagebon in buks, peneds, gasesds, bevüresod ko literat valasotik ai nulik. Ai lämay Latini in Juls, ab no Sperantapüki e nemödiküno püki Interlingua. Püki Interlingua pösods vemo nemödiks sevoms.

Kanoy do välön püki vemo valemik bevü püks Sperantapük e Latin, kelas spikans binons mödikis e nämiks."

If vilols bespikön dini at, sedolsös, begö! küpetis tefik olas lü redakan len ladet löpik.

Valikosi Gudikün Oles ed Olikanes

*Ralph*

**PLIN SMALIK (XXVII)**  
**FA ANTOINE DE SAINT-EXUPÉRY**

Nu, fümö, ya epasetikons yels mäl . . . neai büo ekonob konoti at. Flenädans, kels egeologoms obi, ebinoms mu konteniks ad gelogön obi nog liföli. Äbinob lügik, ab äsagob omes : "Binos fen . . ."

Nu etrodob obi boso. Sevabo . . . no löliko. Ab sevob gudiko, das egekömom lü planet oma, bi, ün delaprim, no etuvob koapi omik. No äbinos koap so vetik . . . E plidob, neito, ad dalilön stelis. Binos äs kloküls lultumbalion . . .

Ab ekö! jenon bos plödaleodik. Musule, keli edäsinob pro plin smalik, eglömob ad läyümön küiratanodi! Neai ukanom fimükön oni jipe. Tāno säkob obe : "Kis epasetikon-li su planet omik? Ba jip efidon flori . . ."

Nü sagob obe: "fümiko nö ! Plin smalik nüfärmükom flori oka ün neit alik dis glätaklokäd onik, e galedom gudiko jipi oka. So binob kontenik. E stels valik smilons sofiko.

Tān sagob obe : "Disipikoy semikna, ed atos saidon ! Ud eglömom, ün soar seimik, klokädi glätik, u jip emogolon nen noid dü neit . . . Tāno kloküls valik cenons ad drens ! . . .

Ekö müster vemo gretik. Pro ols, kels i löfols plini smalik, äs pro ob, nos in leval binon sümik, if seimo, no sevoy kiöpo, jip, keli no sevobs, efidon, sio u no, rosadi . . .

Logedolsöd sili. Säcolsöd oles : "Jip, sio u no, efidon-li rosadi?" Ed ologols vio valikos cenon . . .

E daülan nonik föro osuemon, das atos labon veüti somik !

-----

**POSPENÄD**

Atos binon pro ob länod jönikün e lügikün in vol. Binos länod ot

äs ut pada бүик, ab edäsinob oni nogna ad jonön gudiko oni oles. Binos is, kö plin smalik epubom su tal, e täno enepubom. Logedolsöd küpäliko länodi at, sodas obinols fümiks ad dasevön oni dönu, if otävols-la ün del seimik in Frikop, in däsärt. Ed if ojenos-la, das ogolols-la bei top et, lebegob oli, no spidolsöd, stebedolsöd boso kuratiko dis stel ! If täno hicil okömom-la lü ol, if osmilom-la, if olabom-la heremi goldik, if no ogespikom-la ven besäkoy omi, orätols fümiko kim binom. Täno binolsöd flenöfiks ! No letolsös obi so lügiki : penolsös obe spido, das egekömom . . .



In Volapük Rigik

IN FLOLATIM

In flolatim, ven del gölom.  
E töfs nidoms äs yofadlens,  
Ven lut vöpöl gälo tonom  
Me böds yuböl e me biens;  
Jinos, das nog sinik menad  
Sevom bosl de vonagad -  
In flolatim.

Ven lusölam de glad e nif  
Yilom sole nu vikodöl,  
E nifatim, ko plön e glif  
Ebigo lom lifi bunöl;  
In nat, jinos, labon speli  
Das olifon in füd ai  
In flolatim.

(fa hiel Schuyler C. Lord)

In Volapük Nulädik

IN FLORÛP

In florüp, ven del litikon,  
E tofs nidoms äs yofadrens,  
Ven lut benosmelöl gälo tonon  
Me böds yuböl e me biens;  
Jinos, das nog sinik menef  
Sevon bosl dö vönagad -  
In florüp.

Ven mekädam fa glad e nif  
Yilon sole nu vikodöl,  
E nifüp, ko lied e glif  
Edugon lifi bunöl;  
In nat, jinos, laboy speli,  
Das olifoy laiduliko  
In florüp.

(Fa hiel R. Midgley pevoböl)

**DOM IN KLERÄTALUSÜT (FIN)**

**Koned fa el Johann Schmidt**

Tikods finik Dokana Schlägel

Kredob, das dub ladälod nuik oba no stunoböv, if nu, pos jenots valik at, i dom in Klerätalusüt podrefonöv ünü brefüp fa fät neveda\*. Mög gudik (ü mög badik) binädonöv bo me fätots\* ut, das dom u reafonöv ini nosikam dub lefil, u, das kodü bäld e stad badik ona failonöv sekü nämäd tepa u mistoma. Pos jenots valik at, stebedob igo bali mögas at. Bedotob ye go vemo, das Klerätalusüt, kel labon jenotemi mö yels plu lultums, ösötonöv -la finükön dabini oka as kludod blufa voätik jenotas neplänovik at. Kludo, id in diläd at jenotas tefü el Hausenstein, dins neplänovik e dins ni siiks, jenots no xamoviks, veräts e neveräts komädons a lafo.

Pospenäd ün yel 1955

Yels mödik epasetikons sis jen at, ed ai no nog eriskob, ad loseitön\* reidanefe jenotemi nekredabik at. Ibä pianiko dins bisarik at tefü dokan Hausenstein iperons pö ob dili gretik veüta. Ya pö visit balid ettimik dokana idasevob, das ädalabom täleni plödakösömik kombinatora\*, e das äkanom tuvedön dinis ömik utis, kelis votikans äcedons dinis no tuvedovikis. Dub atos bisars anik ba go reafons ini stad ze suemovik.

Tefü ret (pas pos dönuxam kuratik jenotas ädasevob, das ret at binon nog vemo gretik), plän alik defon pö ob. To atos, to dins klänöfik neplänovik valik ituvob dönu takedi oba, lediniko dub jenöfot, das tefü dins veütikün drimamagotas dokana Hausenstein misek valodik ijonon oki. Dom labü nüm: 11 in Klerätalusüt älaibinon, ai nog ätapon us sa lusüt oka. E yel bal pos votik siso ipasetikon.

Jüs fino (dido idulon mö yels vel) ün yel : 1944 Klerätalusüt lölik e kludo i dom bäldik at in on, pänosükons ün krig gretik dub boums pötü lutaotatak; änepubons laidio. Us, kö ettimo lusüt izugon, us nu yebafeleds grünik sa florabets e luvegs binons, kels yümons

#### IV:29:2002

domakedis jönik nulik haratasüta pedönuöl ko doms sütazuga votik visoik.

Ab igo cen at topa būäto\* glumidika ad top natedik\* löfidik no kanon moükön de ob memi dö pat glumälik oka. Güöl\* Jenots at ün krig ekodons, das fätots bisarik et dönu elifikons in ob nen läsikam pülikün. Vütimo ebäldikob, e dabinob nog as men balik ut, kel pö visit topa at labom sevi dö dins ut, kels is äjenons. E sis dels boumatataka sevob, das mem tomik at ai odugädon obi jüi fin lifa obik.

BÜÄTO	formerly	LOSEITÖN	to present
FÄTOT	a fate	NATED	open country
GÜÖ!	on the contrary!	NEVED	unmaking
KOMBINATOR	many parts		

#### TIDAM DIBIK

Tidan, kel äpreparom tidodi veütik pro studans, laido päropom fa son smalik oka, kel ävilom, das segoloms se dom ini gad ad pledön futaglöpädi.

Bi tidan ävilom finükön vobi oka, ätuvom koboyümükaräti. Äbinon rät te smalik, ab magod tefik äbinon kaed vola.

Vifiko ägivom räti pule ed äkuradükom omi ad fidunön oni if äkanom osi. Äbtüocedom, das ni ölilom, ni ölogom puli dü tim anik, ab stunükölo pul igekömom ünü düp bal.

Rät pifidunon! Fat pästunom. Ab son äplänom ome, das rät älabon flanis tel. Su flan güik äbinon magod balugik famüla : fat, mot, hipul e jipul.

Pul äsagom : "No ästeifülob ad koboyümön voli, ab sosus iplöpob ad koboyümön menis, tän ätuvob, das vol it i pibalon!

IV:30:2002

GUD KÖMON SE VALIKOS (FIN)

Ko drens in logs, mot äplänof ome :

"Fatül ola esufom ladatataki; mutom kömön ini malädanöp."

Fat äblibom in malädanöp te dü dels kil - tän ädeadom. Vob töbik oma su käv fino ideidon omi. Älabom lifayelis luldeg.

Pos sepülam, famülans no äsevons kisi dunön nen mesed fatüla.

Ab ekö el Paul, kel äsagom :

"Dalabob moni saidik ad pelön debis e ad fidön obis."

Famülans too no äkotenons.

"Mon at duton ole, e neodol oni pro fräds niverik ! "

Ab el Paul äblibom pö ced omik.

"Neods famüla ya binons gretikums, ka neods obik."

"Binol son gudik !" äsagof mot ome ed äkidof omi molädiko.

E so el Paul ävedom fatil verik famüla.

Pos yel nog bal, pened älükömon de lavogan zifa nilik. Ziom liegik mota ideadom ed igeridom moni mödik ofe. Kodü atos, famülans äkanons lifön koveniko, ed el Paul fino äkanom visitön niveri ad studön.

TÄVAVENTÜR IN KURDÂN (I)  
FA DOKAN KARL MAY

"Qodê t'avezjkê; âleik sâlâm u râmêt Âlâ - God jelomôs oli; pûd e mîser Sölala binonsôs ko ol!"

*Jeiq Melef*, kele âsagob glidavödis at, âlofom obe nami de jevod gedik oka. Balib naböfik âmufon len lips nevidik e skin logasimas âfomon plifilis smalik, kels âplidons obi nemödikûno.

"Az kolâme tâ; bu kalmêta ta siu taksr nakêm; atuna tam , Anszîlâ, keira - Binob dūnan ola; spâlob nosi ad dūnön oli; God dälomôs, das visit olik obinon lâbik!" âgespikom.

Atosî sagöl, âpedom vemo flenöfiko nami oba e loged flanio âsinifon pro kompenans oma, das id atans nu dedietomsôs okis.

"Qodê skogoleta rast init - God yufomôs oli tefû desin ola!"

"Qodê ezj tâ razjibî - God binomôs kotenik tefû ol!"

"Qodê da-uleta ta mazen bekêt - God mödûkomôs liegi ola!"

"Sâlâm âleik, yârîmen âzîz - Pûd binonôs ko ol, o flen löfik!"

Vokäds at e sūmiks âtonons zî ob, du nams ba teldegs âtöbidons ad pedön nami detik oba. *Jirvan*-Kurdânans at âspikoms *kurmangci*-pûki paproiböl e kalad omas âjînon obe so dotik âs dialeg omas dû dels fol steba obik len oms. Âgalâdob obi, bi nog sauno âlûvob omis, e kodû atos âbrefûkob devegami mögikûno. Âlofob nami alane in kompen; *Halef*, dūnan Larabânik oba, âdunom otosi, e tâno âmomonitobs, fa monitan pakompenöl, kel âsötom dugön obis su veg gudikûn love *Zab* gretik lû *Zibar*-Kurdânans löpik.

Man at âpäklotom bisariko. Zönûls kûirik lunik pâfîmons len *kûlik* redik oma (= luhât se fûl hikapara herik pemeköl) e ats âdolagons love



#### IV:32:2002

logod e nük oma äs lims raänida gianik. Blit vietik pästripon blägiko e yeloviko. Dils küirik tel zi futs petanöls äfomons jukis. Klot kübafomik grünik e vietik, klot dö kel no äsevoy, ud äbinon blötaklot u gun, ätegon löpakoapi, e se bradahogs klota ädolagons brads tel blonik e heriks, kels äjinons dutön lü lep seimik. Man älabom logodi maifik e logis snatik, me kels kuratäliküno älenlogom obi semikna.

"*Sidi!*" (= O söll!) äsäkom dünan oba, posä imonitobs seilölo ba dü düp lafik, "vöd kinik Kurdänapüka sinifon lumani?"

"*Herambaz.*"

"Benö! alan Kurdänanas at binom *herambaz!*"

"Spikolöd nelaodiko!"

"Kikodo, *sidi?* Dat Kurdänan at no lilom obi-li? Igo if sevomöv Larabänapüki, nog no sevom-la dialegi oba. Pük ela *Mogreb* binon nesevädik is e Kurdänans valik binoms ravans. *Älä il Älä* - God binom God, God sevom valikosi; sevom, das gudikos no padunos fa *Jeiq* at di *Jirvani*. Elogol-li nudi slobik e logis luvestigöl oma? Lan oma binon lan renara!"

"Sevob osi, *Halef*. No ga zesüdots kosädi oma."

"*Hamdullä* - lelöbö Godi, bi mobinobs de om." Ab elogol-li, das monitans tel älüvoms vilagi bü motävam obas?"

"No ! Dinäd at kodon-li dremäli ole?"

"Dremäli-li, *sidi?* Sevol-li, kim binob? Binob *Haci Halef Omar Ben Haci Abul Abas Ibn Haci Davud al Gósarä*; fiedo e lanälo edünob oli dü yels tel; ebinob ko ol in *Sahara, in Masr* (= nem Larabänik Lägüptäna), in *Belad al Arab*, in *Mósul* e len leplekans diaba, e no efugob in riskäd seimik de flan olik. Elogol-li föro, das elabob dremäli?"

(Dili telid kanols reidön in Sirkülapenäd mula balidkömöli)